



BENGKEL: Azwan (duduk, tengah) merakamkan gambar bersama para peserta bengkel.

FPL UMS sedia hadapi cabaran 2022

UB 31.12.2021 P.08

SANDAKAN: Fakulti Pertanian Lestari (FPL) Universiti Malaysia Sabah (UMS) mengadakan Bengkel Pelan Tindakan Strategik FPL 2022 sebagai persiapan bagi menghadapi cabaran 2022.

Seramai 36 orang kakitangan menghadiri bengkel yang diadakan di Galeri Pengembangan UMS Sandakan, yang terdiri daripada 22 pensyarah dan 14 pegawai pentadbiran yang diketuai oleh Dekan FPL Prof Madya Dr. Azwan Awang.

Azwan berkata, selain untuk menyediakan inisiatif dalam menca-

pai sasaran Petunjuk Prestasi Utama (KPI) UMS, bengkel ini juga sangat penting sebagai medium warga akademik dan pentadbiran bergerak bersama-sama maju ke depan.

“Melalui program ini kita dapat memupuk kepercayaan dan kerjasama dalam kalangan warga, selain mampu memangkin budaya kerja positif sekaligus meningkatkan darjah kegembiraan dan produktiviti jabatan.

“Pada kesempatan ini juga saya ingin menyeru warga fakulti agar bersama-sama berusaha dengan

gigih untuk menyumbang dalam menaikkan lagi prestasi dan reputasi universiti,” katanya dalam kenyataan di sini semalam.

Pada bengkel itu, para peserta turut membincangkan cadangan penambahbaikan inisiatif strategi baharu yang berkaitan dengan matlamat strategik Bidang Keberhasilan Utama (KRA) UMS, selain sesi pembentangan prestasi tahun 2021 oleh Dr. Mohd Rakib Mohd Rashid, Prof Madya Dr. Suzan Benedick@Sarah Abdullah dan Dr. Roslan Gimba.